

Yuhana lèterenji tanrewunji Mpe yii à yaa yii cè mà jwo yii jyè lèterenji funnjø jwumpe e ke

Yuhana mpyi Yesu tünntunŋø. Uru u à ñge lèterenji sém'a tun Gayusi á. Tünntunmpii Yuhana mpyi a tun pi sà Jwumpe Nintanmpe jwo Gayusi kànhe e ke, Gayusi mpyi a pire sunmbage lèŋe. Ñka nàŋi wà na mpyi dánafeebii shwøhøl'e, na Jwoterefu. Uru mpyi a jyε Yuhana tünntunmpii sunmbage na mε. U mpyi maha Yuhana jùŋke tare. Yuhana à Gayusi kēe maa li cya u á na u àha mpyi Jwoterefu fiige mε.

Nge lèterenj'à li cyēe na shin maha shin u jyε na báare Kafoonji á ke, wuu à yaa wuu pire cùmu lemε jwø.

Jwumpe tasiige

¹ Mii u jyε dánafeebii kacwønrøŋji ke, mii u jyε na ñge lèterenji sémeni si ntun mii ntàannamacinmpworonji Gayusi á. Sèenji na, mu kyal'à táan mii á.

² Mii ntàannamacinmpworonji, mii na li jnáare Kile á, u u ma wuuni jwø, u u ma yaha ticuumpe e, bà mu jyε na sì yyaha na Kile kuni i mε.

³ Mii funnjøk'à táan sèl'e, jaha na yε pyiŋkanni na mu à maye pwø sèenji na, ná pyiŋkanni na mu jyε na jaare u jnunj'i ke, cìnmpyiibii pìl'à pa yire jwo mii á.

⁴ Mà lógo na mii pyìlibii wá na jaare sèenji jnunj'i, funntanga nimbwøhø jyε a tòro kuru na mii á mε.

Gayusi kani

⁵ Mii ntàannamacinmpworoñi, kyaa maha kyaa mu nyé na mpyi cìnmpyiibil'á fo mà sà nò nàmpwuumbii na ke, mu à li cyée na mu na nyé nwómee niñkinfoo cyire karigii cye kurugo.

⁶ Pyiñkanni na mu à li cyée pi na na pi kyal'à táan mu á ke, pi à pa lire jwo na ha dánafeebii kuruñk'á. Mu aha yákili yaha pi na, maa pi tègε pi kùsheeni i mà tàanna ná Kile nyii wuuni i, lire sí n-yaa.

⁷ Li cè na Kirisita mège kurugo pi à nde kùluni tɔ̄ge lwó, mpii pi nyé pi nyé Kile kuni i ná wuu e mε, pi nyé a pire cyeyaage kà tufige njáare mε.

⁸ Nyé wuu à yaa wuu a tire sùpyire shinji tère. Wuu aha a lire pyi, lire li sí li cyée na wuu à cyeyi kan wuy'á maa báare, bà sèenji jwumpe si mpyi si nò tajyahay'e mε.

Jwoterefu ná Demetirusi kani

⁹ Mii à jwónyéya sé'm'a tùugo dánafeebii kuruñk'á wani, ñka Jwoterefu à wuu jwumpe cyé, u la nyé si uye pyi dánafeebii puni jùñufoonji.

¹⁰ Lire e mii aha nò wani, kapyimbaagil'e u à cye le, maa wuu jùnyi tare ke, mii sí cyire puni tègε yii niñgyigigii na. Lire kanni bà mε, u nyé na jeege cìnmpyiibii sunmbage na mε, mpiimu la si ku nyé s'a pi sunmbage lènji ke, u maha núru na pire sigili lire na, maa pi kòre na yige dánafeebii kuruñke e.

¹¹ Mii ntàannamacinmpworoñi, ma hà raa dìrili kapiini kurugo mε, ta dìrili kacenni kurugo. Shinji u nyé na kacenni pyi ke, urufoo na nyé Kile wu. Ñka shinji u nyé na kapiini pyi ke, urufoo nyé a yafyin cè Kile e mε.

12 Dem^εtirusi wi ke, dánafeebii puni na uru m^εtanga yu, sèenjⁱ nuj^{'i} u ny^ε na jaare ke, uru m^ú à li cy^εe na u meg^{'à} t^aan. Wuu na u m^εtanga yu m^ú, mu s^{'à} li cè na nj^e wuu à jwo u kyaa na ke, yire na ny^ε s^ee.

Jwumpe nizanmpe

13 Karii ni^jyahagii saha na naha mii á si nj^ewo mu á, ñka mii la nàha si cyi séme m^ε.

14 Mii na sônjⁱ li saha si m^o m^ε, wuu sí wuye ny^a, si jwo ná wuye e.

15 Kile u yyejinj^e kan ma á.

Mu ceveebil^{'à} mu shéere. Wuu ceveebii puni ninj^{kin} niñj^{kinjⁱ} shéere wani.

KILE JWUMPE SEMEJI JWUMPE NINTANMPE

New Testament in Senoufo, Supyire Farakala; spp

copyright © 2008 Wycliffe Bible Translators, Inc.

Language: Supyire Sénoufo (Sénoufo, Supyire)

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Senoufo, Supyire

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 26 Jul 2025 from source files
dated 29 Jan 2022
9c94658e-b59d-5cd7-bd2e-4e0770667d41